


[www.BibleForChildren.org](http://www.BibleForChildren.org)

# Matiyu 8




Sikuno hufa'u sihune memjaofahoningki oso hwaho  
Ngkalili ango Kana sopo hwe fihwo kako ape mayo'ne  
sikuno somo kakoe a'amu uhu'mokufitnne'ento joho  
ulimentisofoho.




Oso ape mayo'ne ango homo somo Jisasiye kona'wohi humamentisofoho. Jisas kako'nji kakoe inomokomoyo sohwanji hofiko'nji uhu'mokumentohofofoho.



Oso hopo sopo a'amu pi'ningo engo  
uhu'mokumentohofoso hofiko oso ape mayo somjo  
ipisayo mijo pompenjiyo wainiso moi'wo nto  
naofahoningkofi Jisasiye kona'wohi Jisasi mo ulimento,  
Hofikoe mijoso moi'wonoho.




Ose ulahoningki kona'wohi oso a'amu ango homo somjo syoho ulohofiyo sohwamo ulimento, Jisas kako sekumo yo'mayo peho peho'ne selihwoso'no u, sekwo haloho'no fiyimno. Ose ulimentisofoho.



Jisas kako syoho ulohofiyo soh wamo  
ulimento, Sekwo hwakwontoho somo mijo  
mangonepo fihm'mopmno. Ose ulahonngki  
a'amu huhwo sohwa hofiko mijo  
mangonepo ihm'mo'mentohofoho.



Moi'wo ihm'mofahonɔngkofi Jisas ulimeto  
nosisyasyikuji nomotakuji oso wosopayo  
mokosyohumayo nongkumo uyimno.  
Ose ulahonɔngki hofiko  
sohumemotamentohofofoho.



Oso hwe engo wosopayo mokosyohumayo sohwo  
oso mijo hiso munɪngkonɪmentisoso  
mijo me'wampe'njo wain  
munɪngkonɪmentisofoho.

Oso hiso hwapingo  
so'no kako huno  
mummentisofoho.



Oseso oso syoho ulohofiyo sohwa hofiko ahu'mo  
mijo ihm'mo'mentohofo so'no huno umentisofoho.

Oseso oso hwe engo  
wosopayo  
mokosyohumayo sohwo  
kako oso hwe ape  
mayo'ne sohune'no joho  
ulimentisofoho.



Oseso olo hwe engo sohwo ape mayo sohomo ulimento,  
A'amu hofiko wopayo engo iloho yaniwo'ningkohoho  
sohwa hofiko a'amu  
hopi'nonohino somo mijo  
me'wampe'njo wainiso  
kaki'no uyikuji hwangku  
hofiko oso mijoso simeho  
uhnningkuhwoso'no oso  
mijo wain wonyo  
we'eso tifi wanife.



I oso'no kiko oso yahinoso momahoyohino. O'o,  
kiko mijo me'wampe'njo wonyoangkafoso  
nowentaningki simo'mo mijo  
wonyo we'e motapohinoso  
nto ningkuhwonefoho.

I moi'wo nontani  
humentaningkuhwoni  
kiko mijo wonyoangkafo  
me'wampe'njo  
motaponji  
nejapohino. Ose  
ulimentisofoho.



Oso syoho simo'mjo Jisas imentiso pa'nyoso a'amu  
hwahoponjo sohwa mifitnnefoho.

Oso syoho simo'mjo hiso  
Jisas kako hwaho Ngkalili  
anga Kana hopo sopo  
imentisofoho.



Oseso Jisas kakoe yokumpohn'nyo so'nji kakoe yofe  
engo'nji a'amu somo ujo  
ehontojwahumentisofoho.





Jisas kakoe inomokomoyo sohwa oso homo somo  
uhwonontifi hofiko Jisasimo  
simeho hi'ntnnono  
umentohofofoho.



Oseso Jisas Pitafe angomo noswonto  
uhwonimentisoso Pitafe konemi  
a'apaho tohomtnno'njosi saho  
fesyowentaningki uhwononto . . .



. . . kakoe ahomo nupm'mokahonɔŋki a'musi kakoe  
a'apaho toho mtnnosoi moi'wo imo'ningkahonɔŋki  
a'musi kako nolikafonto a'amumne wopayo iloho  
humisyofoho.



Oso sikuno somo a'amuso hofiko a'amu nom'ne  
yo'mayo yo'mayo mnokino'njo so'nji a'amu towahuno  
wonyo'njo so'nji

ipemotapmmentohofofoho.

A'amu hopi'nono oso  
ango Jisas humentanjo  
hoku'yo sopo  
uhu'mokumentohofofoho.



A'amu yo'mayo yo'mayo mnokino'njo so'nji towahuno  
wonyo'njo so'nji wopingo umokumentisofoho.  
Towahuno wonyo huhwo sohwa Jisas Anituye hwomu  
sohumo yofe uhwo'mentohofo so'no Jisas hofikimo  
hungkunojo so'ne mampi'nyo umokumentisofoho.



Oseso hwe moya'mi hopi'nono hofiko Jisasimo aho  
wokisyusyano lontifi imentohofofoho. Hwapingoso  
hofiko Jisasimo aho kisusyahoningkofi  
yokumpohn'nyo  
Jisas mta'ni hofikimo  
umentisoso hofikoe  
a'apahoso wopingo  
imo'nimentohofofoho.



Hwe osofosofahu'nohino sohwa hwe mnokino'njo  
sohumo ijempoho emotapmmentohofoho. Oso  
mnokinoso sife aho songo miyofoho.


Pompenjiyo'nohinofoho. Osohwa Jisasi'njopo  
i'mofapmmentohofoho.



Oso sikuno somo a'amuso hofiko  
a'amu nom'ne yo'mayo yo'mayo  
mnokino'njo so'nji a'amu  
towahuno wonyo'njo so'nji  
ipemotapmmentohofofoho.



A'amu hopi'nono oso ango Jisas  
humentanjo hoku'yo sopo  
uhu'mokumentohofofoho.



Jisas kako uhwonimentisoso oso a'amu  
itokwapmmentohoho sohwa  
hofiko Jisasimo simeho  
hi'ntnnono yokumpohn'nyo  
uyahonngkofi Jisas  
uhwononto hwe  
mnokino'njo sohomo  
ulimento, Olo hwomu  
lohwosi, ngko jije  
honngkano  
wonyoso wae nto  
yakumofohono.




Ose ulahoningki a'amu Jutafe honingkano hungkuno  
lutihwamotofo sohwa  
humupo'ntohumantohofoho.


Wakilimo. Filikaho. Jije  
ijempoho nomahoji  
jije angopono fiwano.



Ose ulonto Jisas yofayokinomo nokotosahoningki  
kakoe inomokomoyo sohwa tifi  
iningkamentohofoho.




Yofayokinoso mijopo  
nowentanġngki mijo ayoso  
hwofiki'nyo pa'nyo imo'nonto  
yofayokinomo  
ufehu'mokahumonto  
yahonġngki Jisas  
kako saho  
humofosyawentisofoho.



Ose ulahoningkofi Jisas ulimento, Sekwo iyoho peho'no seningkohoho. Sekwoe simeho hi'ntnnonoso we'e'njo hwasoho. Ose ulonto nolikafonto ifofo so'nji mijo so'njimo hungkuno ulahoningki mijo apa'no songo songo miyo'njo nihu'nahone lifawo'mentisofoho.

Inomokomoyo sohwa ose uhwonontifi yomo yontifi hnnimentohofi, Olo hwe lohwo peho

sohwolo. Ifofo'nji mijo'nji kakoe hungkunomo haloho'nohini yohoho. Ose hnnimentohofoho.



Ose ulikwato lohofonto ulimento, Anitu kakoe  
Hwomu nihu'no anga'nohino sohwo'ni humaleno.  
I oso'no Anitu kako sekwo a'amu hwahoponjo  
hopi'nonohino sokune'no simeho  
mikunimposo sejapmmentiso so'no  
kako ngkimo sekuyepono  
lonuhwatimentisofoho.

40


60



Oseso a'amu ngkimo simeho hi'ntnnono  
ntapifijoso hofiko hofikoe wonyomne'no  
tohino mayo'ne'maho. O'o, hofiko songo  
ne'no engolopohamo humayo'nefoho.



40



60



Loum 3:23

Nakwo hwe moya'mi hopi'nonohino hn'nwi honingkano wonyo'nji'nwoho. Oso'no nakwo Anitu'nji ahwomomo humaneso hopoenohini'maho.

Loum 6:23

A'amu wonyo iwo'ningkohoho sofe mpe mayo pa'nyoso poyo pe'nifitnefoho. I oso'no nakwo Anitumo simeho uyiwo'ningkuhwone hn'nimo Anitu kako songo ne'no humayo'neso siki nejaponefoho. Oso songo ne'no humayoso nakwo nakwoe Hwe Engo Jisas Kilaisi'nji ufohi'nimentihwone somnoho.



## Hipilu 9:27

A'amu hopi'nonohini olo hwaho lopo humalohwone hn'nwi sikuno anga'nohino somo poyo pe'niwo'ningkuhwonefoho. Poyo pe'ningkuhwasi nakwo Anitu'nji hungkuno ikwolofo'ne so'no wanefoho.

## Efesos 2:8,9

Anitu kako wopingo uloho'mo limentiso so'no nakwo kakimo simeho hi'ntnnono uyimentihwone sohonta Anitu kakoe mehomi ne namokumentisofoho. Oso hitoho ulofu yahino uyalokuhwone hwapingoso nakwo'maho. O'o, Anitu huhwo kako hwapingo hweho. Kako siki nejapmmentisofoho. Olo hilo so'no nakwo nakwoe yofe moho'nomo'nanehwono. Awonoho. I nakwo hilo so'no hwapingo'maho.



## Loum 10:9,10

Olenoho. Kiko nom'ne a'amu somo ole uso, Jisas sohwo nje Hwe Engo hweho, ose ulohoji Jisas nakwoe wonyo'ne poyo pe'nimentiso osohumo Anitu kakimo pi'nimo nta'ni apa'no songo ulika'mentiso oso homo somne'no simeho hi'ntnnono uyohoji'manji Anitu kako kikimo asomo wokiti'ma'montonoho. Nakwo Anitu kakimo simeho hi'ntnnono uyihwaso'no Anitu kako ole wonalimontonoho, Sekwo nje mehomi wopingo ne kuyoho. Nakwo nakwoe mango'nji Anitu kakoe hungkunoso nom'ne a'amu somo lutihwehwaso'no Anitu kako nakumo asomo netimanefoho.



## Joun 3:16,17

Ose ulikwato lohofonto ulimento, Anitu kakoe Hwomu nihu'no anga'nohino sohwo'ni humaleno. I oso'no Anitu kako sekwo a'amu hwahoponjo hopi'nonohino sokune'no simeho mikunimposo sejapmmentiso so'no kako ngkimo sekuyepono lonuhwatimentisofoho. Oseso a'amu ngkimo simeho hi'ntnnono ntapifijoso hofiko hofikoe wonyomne'no tohino mayo'ne'maho. O'o, hofiko songo ne'no engolopohamo humayo'nefoho. Anitu kako ngkine'no ole mosyanifisiyo'njo yonto olo hwaho lopone'no lonihwatimentono. Nje Hwomu sohwo kako a'amufe honingkano wonyo'ne tohino engo uhumnimontonoho. Oso hunoso mosyanifisiyo'njo imentisofoho. O'o, a'amu hofikoe honingkano wonyo somo humentaningkuji hofikoe wonyomjo tohino mafikutnnehonto kako hofikimo isihutofomayo'ne ngkimo lonihwatimentiso hwo'nyoho.



1 Joun 5:11-13

Olo hungkuno loso Anitu nehopi ole nalimento, Ngko songo ne'no humayo'neso nto sejapmmentohefoho. Ose nalimentisofoho. Oso songo ne'no humayo'ne hwapingo kakoe Hwomumo weho. A'amu fihwo Anituye Hwomumo humunyo sohwo Anitu'nji songo ne'no humayo'ne hweho.

A'amu Anituye Hwomumo mohumunyo sohwo kako Anitu'nji songo ne'no humayo'neso motipihwononefoho.

Sekwo a'amu Jisasimo simeho hi'ntnnono uyiwo'ningkohoho soku, sekwo songo ne'no humayoso hi'njo kuyoho. Oso'no sekwo huno waseyonontnne'no semti'mokiyalokweno.



Matiyu 8-9; Mak 1-2, 4; Luk 4, 8; Joun 2

Storyline by: Edward D. Hughes

Illustrated by: Byron Unger, Lazarus,  
and Alastair Paterson

Adapted by: E. Frischbutter, Sarah S.

Safeyoka NT (apz) © 2013, Wycliffe Bible Translators, Inc.  
All rights reserved.

<https://live.bible.is/bible/APZWBT/MAT/1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

